

# *QALO LE PHELETSO EA LEKHATHE LA BALICHABA*

 Lumelang mantsiboea ana, metsoalle. Ke motlotlo haholo ho ba mona, bosiung bona, hape. Ke sa tsoa tloha mona, nakoana e fetileng. Ke nahana, e ne e ka ba nako ea bone. 'Me ka lokela ho...ra lokela ho theoha ho bona metsoalle e meng. Le ho khutla, ka metsotsotso e mehlano ka morao ho supa, ra lokela ho theoha feela. Ka hona ke batla ke tlameha ho tsoma mohlolilhero, hona joale, Moena Neville.

<sup>2</sup> Empa joale, ho na le kopo e sa tsoa kena, ho tsoa ho motho e mong Chattanooga, Tennessee, moratuo ea bileng kotsing livekeng tse tharo tse fetileng, 'me o robetse o ilibane, le joale. 'Me o kopa thapelo mona, kerekeng. 'Me...

<sup>3</sup> [Moena Neville o re, "Moena Bill?"—Mong.] U re'ng, moena? ["Na nka hlahisa tsebiso?"] Ehlide bo. Moena Neville, tloo feela. ["Nt'soarele, Moena Bill."] E, monghali. ["Ke batlile ke lebala. Ke ts'episitse ho tsebisa bosiung bona." Moena Neville o etsa tsebiso. Sekheo lebanteng.]

<sup>4</sup> Re ne—re ne bua ka Melkisedeke, hore E ne e le Mang, 'me ra se ke ra e qetella. Empa mohlomong, nako e tlang, re ka qala mono, re ntse re le Bukeng ea Baheberu.

<sup>5</sup> Empa, bosiung bona, re phetla koana Bukeng ea Daniele. 'Me lona ba ts'oereng Libibebe tsa lona, phetlang ho Daniele 12. 'Me re tla bala ha nyenyane mono, le ho bua, mohlomong, lethonyana ka Lentsoe la Molimo ho tsoa Bukeng ea Daniele.

<sup>6</sup> Joale, Daniele e ne e le e mong oa...e ne e le moporofeta ea ileng a tlosoa Jerusalema, ho theohela Babilona, kholehong ea Babilona, ke Morena Nebukadnesare. E ne le mohlankana e mocha mohla a ne a theohela Babilona. Ho se ba bangata ba bona ba neng ba sa ts'oere tumelo eo e khabane ea khale.

<sup>7</sup> Ke rata Daniele, hoba o...o na a rerile pelong ea hae, mohla a na a theohela Babilona, hore o tla lula e le molumeli, 'me a ke ke a its'ilafatsa ka linama tsa morena, le lintho tse joalo.

<sup>8</sup> Joale, eona ntho eo Daniele a na a le eona, moporofeta oa Balichaba. Daniele o bone mongoaha oohe oa Balichaba o tsoha o bile o e-eoa. E ne e le oa pele, hoo re ho bitsang, moporofeta oa Balichaba. E ne e se Molichaba, ka bo-eena. Empa o bone lekhathetla Balichaba, ho tloha qalong ho fihla qetellong; ka hlooho ea gauta, le ho qetella ka maoto a ts'epe le letsopa.

<sup>9</sup> 'Me a sa le tlase mono, a rera pelong ea hae hore a ke ke a its'ilafatsa ka linama tsa morena, le ka litaba tsa morena.

<sup>10</sup> Le sehlopha se seng sa bona, se bitsoang Shadrake, Meshake le Abednego, se e na le bona tlase mono; e ne e se baporofeta, empa balumeli. 'Me bao, le bona, ba rerile pelong tsa bona. 'Me eitse ha balumeli bao ba bane ba kopana, e ka re kea bona, khafetsa ba ts'oare lits'ebeletso tsa thapelo 'moho.

<sup>11</sup> Joale ka ha re etsa, re kopana kahobane re na le lintho tse ts'oanang. Le a tseba, ho na le lepetjo la khale le reng, "Nonyana tsa 'siba le le leng li fofa hammoho." 'Me ao ke maele a khale, ke rialo. 'Me ke ntho e khabane haholo eo, le hona. Nonyana tsa 'siba le le leng li fofa hammoho. Na ha lea thabela hoo? [Phutheho e re, "Amen."—Mong.] Ehlile. Nonyana tsa 'siba le le leng li fofa hammoho.

<sup>12</sup> Hase khale haholo, ha ke lutse kopanong moo monna a na a qoqa ka ntho e 'ngoe. 'Me a re, "Che..." a bua ka meeaa e ileng teronkong, e neng e le teronkong, eo Jesu a ileng ho e rerela, ka mora lefu la Hae. 'Me monna enoa a na bua, a re, "Che, le nahana'ng ka taba eo?"

<sup>13</sup> 'Me moena oa 'mala ema. A re, "Che, ke hantle feela seo Bibebe e se buileng. 'O ile ho bolella meeaa e neng e le teronkong."

Ho re, "Le nahana e ne e le eng?"

<sup>14</sup> Ho re, "E ne e le 'Meea e sa kang ea baka, mehleng ea mamello, matsatsing a Nooe, mohla ho no ho lokisoa areka,' joalo ka ha Bibebe e boletse."

<sup>15</sup> A re, "Che." Ho re, "Ke kereke ena, e bolellang batho bana ba Pentekosta ba ka hara mekhatlo ena ea liphutheho le ntho e 'ngoe le e 'ngoe, ho ba nts'a teronkong."

<sup>16</sup> A re, "Joale, sheba mona, moena." A re, "Ha ho a buuoia le ka Pentekosta mono. O itsalo. O buile feela, a re, 'O ile ho bolella meeaa e teronkong."

Ka baka leo ka re, "Amen. Ke hantle."

<sup>17</sup> Eaba moreri eo o ncheba, le ho re, "Nonyana tsa 'siba le le leng li fofa hammoho."

<sup>18</sup> Ka re, "Ho joalo, baena ba Tumelo e khabane e ts'oanang, ba lumelang hantle seo Lengolo le reng ke 'Nete."

Daniele o na ena le metsoalle eo.

<sup>19</sup> Le a tseba, ho hotle, ha u le hole le hae, ho fumana motho ea emang le uena, motho ea ka u ts'ehetsang, motsoalle oa sebele ruri. Oho, banna! Mafats'eng a sele, ha u fumana motho ea batlang ho ba motsoalle oa hao, le ea u ratang le ea emang le uena, hoo ho bohlokoia-hlokoia; haholo-holo motho o sele.

'Me baena bana ba ne ba tlositsoe motseng oa ha'bo bona.

<sup>20</sup> 'Me motse oa bona oa chesoa. Le mafiso a bona 'ohle, esita le lintho tse halalelang tsa Molimo, tsa isoa Babilona, tsa bolokoa tlung ea matlotlo a Morena Nebukadnesare, ea neng a theohile le tsona, morena e moholo, ea phahameng oa Molichaba. Joale, efela—efela ha Molimo o lumeletse hoo, ho chesoa ha motse oa bona, kereke ea bona ea chesoa, le ho isoa tlase motseng, ke kahobane ba ne ba tlohetse Molimo.

<sup>21</sup> Empa A ntse a ena le molumeli eo A ka beang matsoho a Hae holima hae, le ho re, "Mohlanka oa Ka ke enoa."

<sup>22</sup> Esale Molimo a ena le paki, kae-kae. Ha A ke a Itulela a se na paki. Ho sa tsottelehe, ke...ho theohela ho a le mong feela, empa esale A ena le motho eo A ka beang letsoho la Hae holim'a hae, le ho re, "Mohlanka oa Ka ke enoa, 'me o tla etsa kamoo Ke 'molellang kateng." Joale, re rata hoo.

<sup>23</sup> Ho lemotha he, hore, mohla baena bana ba ne ba le tlase mono, ba ile ba lekoa.

<sup>24</sup> Mohlala o motle haholo wa seo molumeli oa sebele a kopanang le sona ha a hlile a amohela Morena Jesu joale ka Mopholosi oa hae. Kamehla o a leko. Satane o ntse a le khoebong ea ho leka. 'Me e tlisoa feela ho u thusa. E molemong oa hao.

<sup>25</sup> "Mora e mong le e mong ea tlang ho Molimo eka khona a lekoe, ho lauo, ho hloekisoa," ka mantsoe a mang, "ho shapua, ho otolloa ho se hokae. 'Me ha Molimo a re laea, 'me re sa khone ho e mamella, eba moo re fetohang bana ba bonyatsi, 'me e seng bana ba Molimo."

<sup>26</sup> Joale, monna ea tsepamisitseng sefahleho sa hae Lehelimong ruri, ho sa tsottelehe se etsahalang lefats'eng mona, o sa ntse a tsepamisitse sefahleho sa hae Lehelimong. Metsoalle ea hae e ka mo hloboba. Lapa la'bo le mo hloboba. Molisa oa hae a ka mo hloboba. Empa E Mong o teng ea ke keng a mo hloboba; ke Molimo. 'Me ha kelello ea hao e entse qeto! Ke rata hoo.

<sup>27</sup> Daniele o na a chesitse marogo oohle ka mora hae. O na a sa rera ho khutlela morao, hape. O na a sa sheba mohlala oa hae. O na a shebile, a tlohela lintho tse ka morao. A hahamalla pheong ea pitso e holimo. Ke seo re ts'oanelang re be re se etsa. Ke seo Kereke e ts'oanetseng e be e se etsa.

<sup>28</sup> 'Me ha ke lemotha, joale he, Molimo a lumella Satane ho mo leka. 'Me, oh, ba ba leka, ka mollo. Ba ba ba leka, hape, ka lemena la tau. 'Me, nako le nako, Molimo oa ba 'nts'a, e le ba fetisang bahloli.

<sup>29</sup> "Liteko tsa motho ea lokileng li mangata, empa Molimo o mo loela ho tsona kaofela." Hoo ho babatseha hakakang! Re ananela hoo hakakang. Liteko, mats'oenyeho, meleko, tsohle li sebetsa molemong! Ka mora nakoana, Molimo o bona hobane a ka beha ts'epo ea Hae ho uena, 'me O tla u etsetsa lintho tse kholo he.

<sup>30</sup> Joale rea fumana, he, hore Daniele a fetoha sebetsa letsohong la Molimo, hole le sechaba sa ha'bo, ka ntle ho motse oa ha'bo, hole le kereke ea ha'bo. Lefats'eng le sele, Molimo oa mo sebelisa.

<sup>31</sup> Joale, u ka ba hole le sohle seo u ka bang sona. U ka ba hole le baratua ba hao, kapa u ka ba hole le kereke ea hao, empa ua 'na ua ba sebetsa se matsohong a Molimo. Molimo a ka u sebelisa u le paki kapa ntho efe feela A lakatsang ho u sebelisetsa eona.

<sup>32</sup> Mehlala e metle! Bibele e hlohliloe ka lintho tseo e tletse tsoete, hohle moo le phetlang teng. Na ha le rate ho bala Lentsoe? [Phutheho, "Amen."—Mong.] Oh, ke ee ke E bale, ka nako tse ling, 'me ke lle.

<sup>33</sup> Matsatsi a 'maloa a fetileng mona, ke ne ke bala ka phaposing ka mono, 'me ka lokela ho lula fats'e le ho lla joalo ka lesea. Ka ema ka potoloha setulo sa ka, ho bea letsoho la ka holima setulo sa ka, ka boela ka sheba Bibele ea ka; ka bokolla feela. Ho pota setulo hape, ka boela ka e sheba. Ka nahana, "Oho Molimo, ho na le Bophelo bo sa Feleng ka mono, ho monna e mong le e mong kapa basali ba ka bang le sebete sa ho bea ts'epo ea bona ho Eona, le ho E lumela." Bophelo bo sa Feleng!

<sup>34</sup> 'Me A re, "Batlisang Mangolo, hobane ho Oona le nahana le ena le Bophelo bo sa Feleng, 'me Ke Oona a Mpakang." Batlisang Lengolo.

<sup>35</sup> "Lentsoe la Molimo ke lebone maotong a rona," re tle—re tle re tsamaisoe, ke hona. Ke Leseli le latelang tselana e re tlosang tlholong ho isa tlholong.

<sup>36</sup> Joale, pele u ka hlola, ntoa e ka khona e be teng. 'Me ha lintoa li le sieo, litlholo ha li eo. Ka hona re lokela ho lebohela lintoa le liteko, 'me ke Molimo o re fang monyetla oa ho hlola. Oho, banna! Na hoo ha ho le thabise ho se hokae joale? Le a bona? Ntoa e ee e fihle; motho e mong a bue hampe ka uena; boloetse bo u ts'oare. Mohlomong Molimo a u hlahisetse mahloko ao a masesane, A tle a u folise le ho u bonts'a lereko la Hae, ho u bonts'a seo A se bolelang ka eona: O a u rata.

<sup>37</sup> Pale ea khale ea molisa oa linku e neng e phetoa mane Jerusalema, mafats'eng a halalelang, ea molisa ea na jere e—e nku. 'Me a re, "U e jaretse'ng?"

Ho re, "E robehile leoto."

Ha thoe, "E entse joang; e oetse selomong?"

Ho re, "Che. Ke 'na ea e robileng leoto."

<sup>38</sup> A re, "Khele, u molisa ea sehlooho, ka ho roba leo la nku eo."

<sup>39</sup> Ho re, “Che. Ke ne ke e rata.” Le ho re, “E ne e kheloha, ‘me ke ne ke sa khone ho hulela maikutlo a eona ho ‘na. Ka hona, ka e roba leoto, ke tle ke e hlokomele haholoanyane, hore e tle e nthate le ho ntatela.”

<sup>40</sup> Ka nako e ‘ngoe, Molimo o tlameha ho re sithabetsa, ho se hokae, bophelong, ho re tsotella haholoanyane, ho re fara mafareng a Hae, ho re ngokela sefubeng sa Hae. Mohla ngaka e ne e re ha ho letho le ka etsoang; eba O re nkela sefubeng sa Hae, ho re, “Bona, Ke a u rata. Ke tla u folisa.” Le a bona? Oh, na hoo ha ho ntlatse bophelo hanyenyane? [Phutheho e re, “Amen.”—Mong.] Oh, O moholo haholo! Ke Molisa ea babatsehang. Na hase Eena?

<sup>41</sup> Ha ho makatse Davida a itse, “Morena ke molisa oa ka. Nke ke ka hloka letho.” Le kamoo A re tsamaisang metsing a khutsitseng; ho hlabolla moea oa bona; le ho tlatsa mohope oa hao o be o khaphatsehe; ho re tlotsa ponts’eng ea sera! Na u kile ua tlotsa ponts’eng ea sera sa hao? Ho paka ho fihlela mohope oa hao o khaphatseha, u a tseba. Ho babatseha hakakang ho tlotsa ponts’eng ea sera sa hao!

<sup>42</sup> Joale lemohang, ke hona, Molimo oa nka Morena Nebukadnesare oa mo fetola sebetsa letsohong la Oona. ’Me ha Morena Nebukadnesare a shoa, hoba a...Joang ba mela; moriri oa hae, joalo ka tau, kapa joalo ka masiba a ntsu; ’me manala a menoana e ka linala tsa ntsu, le joalo-joalo. ’Me Molimo a lokela ho mo tsebisa hore Morena oa ’nete e ne e le Mang.

<sup>43</sup> Ka mora lefu la hae, Belshatsare, setloholo sa hae, a mo hlahlama. ’Me, joale he, a le khopo ho feta Morena Nebukadnesare. ’Me bosius bo bong, mono, ba ne ba entse mokete o moholo. Ba biletsha bohole bo-bo magistrata ba bona le matona oohle, moketeng oa semetletsa. ’Me eare ba sa le moketeng ona, ’me ba...ho tsoa, le ho bitsa, le ho nka mehope, mehope e halalelang ea Molimo; ho soma Molimo feelsa, le ho noella melimo ea bona, tebeletso, ka mehope ea Morena.

<sup>44</sup> Joale, motho o lumeletsoe ho tsamaea bohole bo bokaalo, empa ho na le mola o arolang Bophelo le lefu. Ha u a ts’oanelia ho ts’ela mono. U a bona? U tla tsoelapele ka bothoto ba hao nakoana, empa u mpe u tsebe moo mola o leng teng. Na Morena o kile a u hlahloba nthong efe feelsa? O etsa joalo, rona bohole, ho hula liqhana tse hlahlocabang, ho re, “Hakana ho lekane joale.” Joale u mpe u hlokomele seo u se etsang, ho tloha mohlang oo, ha u hata o tobile mola oo.

<sup>45</sup> ’Me bosius boo, eare ha Molimo a hula liqhana tse hlahlocabang, le joale a hana ho utloa. A theoha le ho nts’ a mehope ea Morena, ho qalella ho noa veine, le ho lebeletsa ho molimo oa bona. Eaba letsoso le tsoa Lehelimong, ’me la ngola

leboteng, "MENE, MENE, TEKEL, UPHARSIN." E bolelang, "U beiloe sekaleng, 'me ua fumanoa u le chatsi." Ho se motho ea ka o koahollang. E ne e le lipuo tse sa tsejoeng.

<sup>46</sup> 'Me ha ba le monna mono, ea nang le neo ea ho hhalosa, Daniele, kahoo a theoha le ho hhalosa le ho bolella morena se tla etsahala. 'Me, mono, Molimo a falatsa sechaba seo, Babilona.

<sup>47</sup> Eare, Daniele, a sa le mono, a bona lipono tse kholo, 'me a ngola ka tsona, bakeng sa ts'eliso e kholo eo re nang le eona kajeno, ho tseba, le ho bea taolong, pheletso ea 'muso oa Balichaba.

<sup>48</sup> Lemohang kamoo e phethahetseng kateng. Le e atametse haufi-ufi joale. O bone, pele, sets'oants'o se emeng ts'imong, mohla a na a koahollela morena toro.

<sup>49</sup> E ne e le motho oa moea. A lora litoro, a bona lipono, ho koaholla litoro. 'Molimo a ba le eena, 'me motho e mong le e mong a tseba hoo, hape.

<sup>50</sup> 'Me ha a bona pono, hlooho ea gauta, le sefuba sa silifera mona, le lirope tsa borase, le maoto a ts'epe, lemohang, 'muso o mong le o mong oa 'na oa eketsa ho thatafala. 'Muso oa morena Nebukadnesare e ne e le hlooho ea gauta. O e hhalositse, ho 'molella kamoo mebuso eo e tla lhahlamana kateng ho fihla pheletsong. Le ntoo lemoha, ho tloha ho gauta, e bonojana ho feta, ho latela silifera, e ntoo ba borase, e ntoo ba ts'epe; ho thatafala, ho thatafala, ho bata ho feta, ho ea hole haholo!

<sup>51</sup> Lemohang, eaba, hara tseo tsohle, Daniele a boha sets'oants'o ho fihlela Lejoe le khephola thabeng, le khephola ka ntle ho matsoho. La thethela sets'oants'ong la se robaka, la se etsa joalo ka koro seotlong lehlabula, 'me sa 'nkuoa ke mee. "'Me Lejoe la hola ea e-ba thaba e kholo e tlalang lefats'e lohle le leoatle." E ne e le ho Khutla ha Morena Jesu, ho leng haufi hona joale.

<sup>52</sup> O tsoela pele. Mohla a leng tlase nokeng, ka tsatsi le leng, a haptjoa 'me a bona pono. Bongata bo nang le eena, ha bo a ka ba bona pono, hoba e ne e filoe Daniele a 'nots'i. Le a e bona?

<sup>53</sup> Motho a ka ema pel'a hao, 'me a bona lintho tseo u ke keng ua li bona, ho pholosa bophelo ba hao. Ke hantle. Motho o itse, "Ha ke lumele hoo. Ha kea bona letho." Kahobane e ne e sa etsetsoa hore u e bone.

<sup>54</sup> Bao ba tsamaileng le Pauluse, mohla Pauluse a otloang a e-oa pereng ea hae 'me a tlameha ho oela leroleng; le ho pitika, kamoo ho etsahetseng kateng, leroleng, ha ho motho ea utloileng lentsoe leo kapa a bona pono eo. Pauluse o E bone.

<sup>55</sup> Ha ho lea mong ea boneng naleli linqalo tsohle tsa bolepi, ha e se banna ba bohlale.

<sup>56</sup> Lintho tse ngata, ka tsela eo, Molimo o etselitse batho ba bang ho bona, le ba bang hore ba se ke ba bona. Oh, ke rata hoo! Ha Molimo, bohlaleng ba Oona bo sa feleng, a rerile e sa le pele, kapa ho khetha e sa le pele, lintho tse itseng ho etsahala, e ka etsahala ho motho e mong le e mong ea lutseng pel'a hao, 'me u ke ke ua tseba letho ka eona.

<sup>57</sup> Shebang Dothane, mohla Elia a na a theohetse Dothane 'me ba teetsoe hare mono ke—ke ba-lichaba ba keneng, lebotho la Siria; ba batla Elia, moporofeta. Hobane enere, ha ba fumana, nako le nako ba-Siria ba nanarela Iseraele, ho loana, khele, ba-Iseraele ba se ba ba laletse.

<sup>58</sup> 'Me ka hona morena oa Siria a ba bitsa, a re, "Joale, be butleng. Ke mang ea re emelang, 'me ke mang ea emelang Iseraele?" Ho re, "Sehloela se teng seholopheng sa ka, se tlohang se ea bolella Iseraele moo re kenang, hoba ba ee ba re lalle mono kamehla."

<sup>59</sup> 'Me monna e mong o ne a batla a le moeeng. A re, "Lekhale, ntate. Empa ke moporofeta Elia, hoba o tseba, phaposing ea hae ea ho robala, khato e latelang eo u tla e nka." Amen.

<sup>60</sup> Oho, ha matla a atomo a qala a reketla, ke thabile hobane Lentsoe la Molimo le re boleletse moo re ka eang teng. Balehelang Lefikeng, Kreste Jesu! Motho mang le mang ea ka hara Lona o bolokehile o sirelelitsoe. Ha ho letho le ka u nts'ang kotsi. Ha ho libomo tsa atomo, ha ho litsoibili, le letho le sele, le ka amang ba bolokiloeng ba Molimo; ba bolokehile, ba sirelelitsoe, ba ankoriloe. Ke ts'epo e babatsehang hakakang eo re nang le eona ho Kreste Jesu!

<sup>61</sup> Lemohang, monna o ne a le teng ho eena. Mohlanka oa hae, moshanyana ea moeeng, a tsamaea a bile a ts'ella matsoho a moporofeta metsi, a ena le maemo a phahameng. Empa ha a bona e—e lebotho la baSiria le teetse Dothane hare, ba e thibeletse eohle, a re, "Ntate, sheba ka ntle mane! Hase le palo eo! Khele, re likiloe ka hohle!"

<sup>62</sup> Joale, ke hlaho eo, ha lintho tsohle li bonahala li tsamaea ka lekeke; ba u supa ka monoana, ba bua *sena* le *sane*; le ngaka e re u ke ke ua fola, le joalo-joalo. Eo ke ntho ea hlaho, ha u nahana, "Oho, banna, ena ke pheletso!"

<sup>63</sup> Empa Elia a re, "Ba ho rona ba bangata ho feta ba ho bona."

<sup>64</sup> Joale u ka nahana kamoo moporofeta eo, kapa kamoo Gehazi a ikutloileng kateng, mohlanka. A mo sheba. A re, "Khele, ha ke bone motho."

A re, "Molimo, tutubolla mahlo a moshanyana enoa."

<sup>65</sup> 'Me hang ha Molimo a etsa ntho! Ke ena. E ts'oareng. Ha Molimo a bula pono ea hae ea moea; hohle mono, moporofeta,

keha ho eme makoloi a Mollo le Mngeloi a Mollo. Khele, o bone...Khele, makoloi a Mollo a ne a feta lekhotla la Basiria ka palo, ka likete. Lithaba li tuka Mollo; Mangeloi a Mollo, lipere tsa Mollo, makoloi a Mollo.

<sup>66</sup> 'Me Bibebe e itse, "Mangeloi a Molimo a potile ba Mo ts'abang."

<sup>67</sup> Le bosiung bona ho its'oanela feela! Ke ipotsa se neng se ka etsahala hola motho mona, bosiung bona, a ne a ena le matla a ho otla mahlo a lona, le ho re, "Shebang, ho emeng ho teetse tabernakele ena hare bosiung bona!" U ne u tla ba setho sa mona bophelo ba hao bohle. Ehlide. E, monghali.

<sup>68</sup> Ka nako tse ling u ke ke ua E bona ka mahlo a hao a nama, empa u ka utloa ho uba ha Eona, Ntho e haufi. Kutlo ea bots'eleta e supang Ntho e 'ngoe e haufi.

<sup>69</sup> Mo hlokomeleeng, hoseng hona, ho bula litsebe tse sa utloeng, ho tsamaisa liqhoala tsa polio hohle mona, eka ha ho letho le neng le le phoso ka bona. Ke eng? Ke kutlo-e-ka-hare. Ke bolela, kutlo, kutlo ea bots'eleta e phopholetsang, moea, hore Ntho e 'ngoe e haufi. E bang le tumelo ho Molimo!

<sup>70</sup> Joale, ba ne ba sa, o ne a sa bone Hoo, pele. Empa, mohlomong Elia o ne a sa E bone, empa a qella mahlo a moshanyana ho E bona. Empa Elisha a utloa hore Ba ne ba le teng mono. Amen.

Thomase, ka mohla o mong, ho re, "E re ke kenyé matsoho a ka lehlakoreng la Hae."

<sup>71</sup> Jesu a re, "Joale u a bona 'me u a lumela. Moputso oa ba sa kang ba bona, ba mpa ba lumela o mokakang." Ke rona bosiung bona, ho mang le mang ea lumelang, a sa ka a bona.

<sup>72</sup> 'Me le lemohe. Eaba Elia o tsoela teng hara maemo ana, 'me a re ho bona. Pele, a tsoela mono, 'me Bibebe e itse, "A ba otla ka bofifu." Bofifu; eaba o tsoela ho bona hantle. E mong le e mong a ntse a bona ka ho phethahala, ho ea kamoo ke tsebang. Empa Lengolo le re, "Ba ne ba foufetse."

<sup>73</sup> Lethakanyana, masiung a 'maloa a ho feta, la re ho 'na, "Ha u le monna oa Molimo, nkotle ka bofifu."

Ka re, "U se u foufetse." Le a bona? Le a bona? O se a foufetse!

<sup>74</sup> Lemohang. 'Me a tsoela mono, hara maemo a maholo ana, moo ntho e kholo ena e ne e le teng. 'Me a re, "Le batla Elia?"

Ha thoe, "E."

<sup>75</sup> Ho re, "Tloong, nts'aleng morao. Ke tla le isa ho eena hantle." Elia a rialo ho bona. Ba ne ba foufaletse eng? Ba ne ba foufaletse ntla' hore eo e ne e le moporofeta oa Molimo. Ba ne ba foufaletse hona. Eaba o ba tobisa hantle lerabeng, hape. Ho re, "Tloong, ke tla le bonts'a Elia," athe e ne e le Elia ea ba theolelang mono.

<sup>76</sup> 'Me ha ba qamaka, ba iphumana ba likiloe, ka mahohle. Morena a re, "Ntate, ke ba bolaee na?"

<sup>77</sup> A re, "Na u ka hapa motho ua ba ua 'molaea?" Ho re, "Bea lijo pel'a bona, 'me u ba khutlisetse naheng ea bona."

<sup>78</sup> Ke oo mokhoa oa ho falatsa lintoa. Ha ho joalo? Ehlide. Oho, banna! Hola re ka inkela molao oo, kajeno, ho fepa sera sa hao. "Ba le etsang hampe lona le ba etse hantle." Amen.

<sup>79</sup> Mono, joale, bofofu. Joale, Elia... Kapa, ke bolela, e seng Elia, joale.

<sup>80</sup> Empa, Daniele, Daniele a iponela pele. E ne e le moporofeta. O bone ho khutla ha Morena. O bone ho fihla ha nako ea pheletso. O bone ha Balichaba ba qala.

<sup>81</sup> 'Me ha le ka lemoha, Balichaba ba qalile ka e-e borapeli ba melimo ea bohata. Ba ne ba rapela molimohali oa bohata ea hlomiloeng thoteng, molimongoana oa monna: kea kholoa, Daniele, ka bo-eena. Hoba, Morena Nebukadnesare o na mo reile, "Beltsatsare," e ne e le molimo oa hae, 'me a qala a khumamela sets'oants'o sa monna ea lokileng, ea halalelang. 'Me Daniele ahana ho etsa hoo; ho joalo le ka—le ka bana ba Baheberu, Shadrake, Meshake, le Abednego.

<sup>82</sup> Oa kena ka mokhoa oo. 'Me oa tsuoa; hlooho ea gauta e ne e kene ka borapeli ba sets'oants'o, bo qobelloang, 'me ea fellaa ka Letsoho le mohlolo le ngolang puo e mohlolo e ka utloisisoang feela ke kutloisoang e mohlolo. Amen.

<sup>83</sup> 'Muso oa Balicahaba o kene joalo, o tla tsoa ka ho ts'oana, ke hantle, ka mesebetsi e mohlolo, tlhaloso e mohlolo. Le tseba seo ke se bolelang. Ts'ebetso e mohlolo, oh, ho babatseha hakakang! Ha le a thaba, bosiung bona, le lumela lintho tse mohlolo? [Phutheho e re, "Amen."—Mong.] E-ea.

<sup>84</sup> Joale, he, ka mora lipono tsena, A 'monts'a hantle moo lichaba li tla be li eme teng. A 'monts'a kamoo ho n'o tla ba le lilemo tse kaalo tse baliloeng holima ba-Juda. A re, "Messia o tla tla. O tla porofeta livekeng tse mashome a supileng, e leng lilemo tse tharo le halofo. Mahareng a tsona, O tla khaoloa, e leng lilemo tse supileng. Liveke tse mashome a supileng tsa batho ba heno; lilemo tse supileng tsa boporofeta ho ba-Juda." A re, "'Me Messia, Khosana, o tla tla le ho porofeta. Mahareng a liveke tse supileng, matsatsi a supileng, E tla khaoloa. Manyaleng, a bofeliso, a tla ema nqalo ea Eona. 'Me ba tla hatakela marako a Jerusalema, Balichaba, ka nako, nako, le bohare ba nako."

<sup>85</sup> Joale, ha Messia a fihla, Jesu, O rerile lilemo tse tharo le halofo hantle, 'me a khaoloa, joalo ka Sehlabelo. Ha ba ha felisoa setlamo sa kamehla. 'Me bofeliso, manyala a bofeliso, mosleme oa Ormar, oa emisoa kajeno nqalong ea tempele e halalelang. Tempele ea Omar e eme hantle nqalong moo tempele e ne e eme teng pele.

<sup>86</sup> 'Me o boletse, ho re, "Ba tla hatakela marako a Jerusalema, holima Jerusalema, ho fihlela ho fela lekhathé la Balichaba. Empa, pheletsong ea Balichaba, ho tla be ho setse lilemo tse tharo le halofo, le joale, ho ba-Juda."

<sup>87</sup> Joale lemohang e 'ngoe ea lintho tse hlollang ka ho feta tsa boporofeta ba histori.

<sup>88</sup> Ha ke ipolele ke tseba boporofeta ba Bibele. Empa hona ho ts'oana le ho bala leseli la litaba; ho hlakile haholo. 'Me, seo re se balang Mona, re tseba e le 'Nete.

<sup>89</sup> Lemohang, likete tse peli, ee, lilemo tse makholo a mashome a mabeli a metso e mehlano, esale ba-Juda ba qhalanyelitsoe sechabeng ka seng tlas'a Leholimo. Joalo kaha Molimo a ile a thatafatsa pelo ea Faro, ho ba khutlisa; O thatafalitse pelo ea Hitlerlara, pelo ea Mussolini, le joalo-joalo, ho fihlela A boetse a ba khannetse Palestina. Ho khutla, ba boetse ba ba entse sechaba. 'Me ka la ts'elela Mots'eanong, 1947, folaga ea ba-Jude e ile ea phahamisoa holima Israele, khetlo la pele lilemong tse makholo a mashome a mabeli a metso e mehlano. Folaga ea khale ka ho fetisisa ea phahamisoa khetlo la pele lilemong tse makholo a mashome a mabeli a metso e mehlano. 'Me O boletse, matsatsi a qetelo, "O tla emisa ponts'o holima Jerusalema," ho supa hobane nako e atametse.

<sup>90</sup> 'Me lemohang, hase khale haholo mona, ha ke bona ho bapaloa lebanta la boporofeta holimo mono. Ba khutlisetsa ba-Juda bao ka hare, ka likete, ka lifofane. Le e bone pampiring, le nthong tse joalo. Limakasine oa *Look* le oa *Life* li ne li hlahisitse taba eo. Ba-Juda ba likete baa khutla! 'Me eaba ba botsoa, ho re, "Le khutlela'ng?" Metsofe, liqhoala, ba ba pepile mekokotlong ea bona, le bana ba bona. Ho re, "Na le khutlala lehaeng ho shoaa?"

Ho re, "Che. Re khutla ho bona Messia."

<sup>91</sup> Jesu o itse, "Ha le bona sefate sa feiga se hlahisa menoko ea sona, esita le lifate tse ling tsohle li hlahisa menoko ea tsona, tsebang ke hona hobane nako e haufi, kapa selemo se haufi, lehlabula. Ka baka leo, etlare ha le bona tsena li etsahala, le phahamisise lihlooho tsa lona, topollo ea lona e haufi."

<sup>92</sup> Bosiung bona, joale ka ha lefats'e lena le chekiloë ke bokomonisi! Oh, ke ne ke qoqa le monna nakoana e fetileng, ka... e mong oa baholo ba khabane, ke a kholoa, eo ke mo tsebang. 'Me eitse ha a bua ka litaba tsa sechaba sena, le ka bokomonisi, li ka le khoehlisa mangole, hantle, kamoo se chekiloeng kateng. Ha ho sa na letho le tiileng, esita le naheng ea rona, ho hang.

<sup>93</sup> Ho na le ntho e le 'ngoe feela e tiileng eo ke tsebang e tla ema, ke Lefika, Jesu Kreste. Re amohela 'muso o ke keng oa

sisinyeha. Homme letsatsing lena moo ntho ka 'ngoe e thelehang, re na le motheo o tileng, Morena Jesu Kreste. Kenang ho Oona, metsoalle. Ke sets'abelo nakong ea sefefo. Ke ntho e babatsehang hakakang!

A bona tsena tsohle li etsahala.

<sup>94</sup> Re bona ba-Juda joale. Bibele e boletse Jerusalema a tla... 'Me e tla fupuha joale ka rosa. Homme kamoo ba noselitseng naha eo kateng! 'Me ba bile ba... Moporofeta o boletse a re, "Ka tsatsi leo, hore, metsi a tla tsoa leboea." Mohlang oo metsi a na a le sieo mono, seliba se ne se le sieo mono mohlang oo. Empa lilemong tse 'maloa tse fetileng, ho hlahile seliba, 'me se nosetsa liphula. 'Me morero oa bona o nosetsang ke se seng sa lits'a tse kholohali tsa temo, ho latela boholo ba sona, lefats'eng.

<sup>95</sup> 'Me likhemikale tsena tsohle li ka hara Leoatle le Shoeleng hantle. Ho fumanoa likhemikale tse lekaneng botebong ba lona, tseo leruo lohle la lefats'e le ke keng la li reka; likhemikale, uraniamo le ntho e 'ngoe le e 'ngoe, hantle botebong ba Leoatle le Shoeleng, leo ha joale e leng la Israele.

<sup>96</sup> "Sefate sa feiga se hlahisa monoko." E seng hoo feela, empa lifate tse ling li hlahisa menoko ea tsona. Bokomonisi bo hlahisa menoko. Antikreste o hlahisa menoko.

<sup>97</sup> Le Kereke ea Molimo e hlahisa menoko. E boela e fupuha ka matla a Eona. Bookholane bo jele karolo ea sona, tsie e jele karolo ea sona, seongoane se jele karolo ea sona, lerutle le jele karolo ea sona, empa Molimo oa re, "Se tla boela se phela." E hlahisa monoko joale.

<sup>98</sup> Difate li hlahisa menoko. Daniele o e bone e sa le pele, 'me a thaba. Joale, nakong ena, a re, "'Me nakong eo..." Khaolo ea 12.

*'Me mehleng eo, Mikaele, khosana eo e kholo e emelang bara ba sechaba sa heno, o tla hlahab: 'me matsatsi a matsoalo a tla ba teng, a joalo ka... e sa le lichaba li hlahab ho tla fihla... nako eo: empa mehleng eo sechaba sa heno se tla bolokeha, e leng bohole ba ngoliloeng bukeng.*

<sup>99</sup> Oho, banna! Ha u thabe ha lebitso la hao le le Bukeng ea Hae? [Phutheho e re, "Amen."—Mong.] Ha eena, Daniele, mona, a 'Mona, "A tla ho Moholo oa matsatsi, eo moriri oa Hae o nong o le mosoeu joalo ka boea. 'Me a phetla Libuka. 'Me ba ahloloa, motho e mong le e mong, ka Libuka," Kahlolo e kholo ea Terone e Ts'oeu.

<sup>100</sup> Joale, Daniele o fuoa tiisetso ena, le pheletsong ea lekhathetha la Balichaba. Balang... Ha le fihla hae, le hosasane, le bale khaolo ea 11. Le ka bona kamoo morena oa leboea a theohang, hase letho empa ke Russia, o theoha ho kenya khatello

khahlano le eona, joalo ka setsokotsane. 'Me Ntoa e kholo ea Amaggedone e tla loanela hantle mono haufi le likhoro tsa tsa Jerusalema. Lemohang. Oh, ke rata hona!

...empa mehleng eo sechaba sa heno se tla bolokeha, bohle ba ngoliloeng bukeng, buka ea bophelo ea Konyana.

<sup>101</sup> "Mikaele, khosana e kholo, o tla emela," (eng?) "batho ba sechaba sa heno." Ho lokile.

*Ba bangata ba robetseng leroleng la lefats'e ba tla tsoha* (neneng?) mohla linako tsena li hlahang, 'me, ba bang *tsohele bophelo bo sa feleng*, 'me ba bang ba *tsohele lihlong* le sekhobo se sa feleng.

<sup>102</sup> Ruri joalo feela kaha ho ena le Bophelo bo sa feleng, ho na le ho falla ho sa feleng. Ho its'ehile ka hore u ts'oara Jesu Kreste joang bophelong ba hao. Ha u Mo rata, 'me u tsoetsoe labobeli, 'me u ba le Moea o Hae, u na le Bophelo bo sa feleng. Ha u sa etse joalo, ha u na Bophelo bo sa feleng. Ha lebitso la hao le ngotsoe Bukeng ea Bophelo ea Konyana, u na le Bophelo bo sa shoeng. Ha le sa ngoloa Mono, u ke ke ua eloa hloko.

<sup>103</sup> Ke eng? Liporofeto tseo tsohle li a phethahatsoa; ntho ka 'ngoe, ho theohela nakong ena hantle.

<sup>104</sup> Hlooho ea gauta e fetile, joalo ka ha Daniele a e boletse, 'muso oa Babilona.

<sup>105</sup> Ho hlahlamang mono, o itse, e tla ba Bamede le Bapersia. Ba ile ba hlahlama 'muso oa Babilona.

<sup>106</sup> 'Me ba oela, ho (mang?) Bagerike, Aleksandere e Moholo.

<sup>107</sup> 'Me ba oela, ho (eng?) Baroma. 'Me Baroma ba pshatleha, ho ea ka lefats'e lohle, Roma ea bochabela le ea Bophirima, meoomo e 'meli.

<sup>108</sup> 'Me o itse, "Ts'epé le letsopa li ne le menoaneng ea maoto; menoana e leshome, mebuso e leshome." 'Me a re li ke ke tsa kopana. 'Me ba tla nyallana; Boroma le Boprotestanta."

<sup>109</sup> "'Me mehleng eo," ha sena se etsahala, "eaba Lejoe le khephoha thabeng, e se ka matsoho, la ba la thettheha la pshatla ntho eo likoto." 'Me La nka sebaka sa sets'oants'o.

<sup>110</sup> Ka hona, baena ba ka, re fumana mathata, bosius bona. "Lintoa le melumo ea lintoa; lithothomelo tsa lefats'e libakeng tse ngata; nako ea matsoalo, khohlano hara lichaba." Ke sa tsoa khutla mose ho maoatle, 'me ha kea bona sechaba se sa tlakaseleng ka hara lieta tsa sona. Ha ba tsebe se tla etsahala.

<sup>111</sup> Empa na ha re lebohe, bosius bona, ha re tseba se tla etsahala! Morena Jesu o tla khutla khetlo labobeli, ka khanya le ka borena! 'Me monna e mong le e mong kapa mosali ea fumanoang a ngoliloe Bukeng ea Bophelo ea Konyana, o tla tsoha le baratuoa ba hae, ho kopana le Morena sebakeng. Oh, ke ntho e babatsehang hakakang! Ke ka baka leo re reng:

Ts'epo ea rona ha ea ahoa ka letho  
 Haese Mali a Jesu, le ka ho loka;  
 Tsohle tse likileng moea oa me, li fela matla,  
 Ke Eena ts'epo eohle le ts'iea ea rona.

<sup>112</sup> “’Me mohlang oo, Mikaele khosana o tla ema, khosana e kholo.” Mikaele e ne e le Kreste, ehlile, Ea loanneng lintoa tsa Mangeloi Leholimong, le liabolosi. Satane le Mikaele ba loana, kapa ba loants’ana, ke rialo.

<sup>113</sup> ’Me, joale, “’Me mohlang oo,” o itse, “ba fumanoeng ba ngoliloe Bukeng ba lokolloa. ’Me ba entseng ho loka...” Hlokamelang sena.

*’Me ba—’me ba hlalefileng ba tla khanya joalo ka khanya ea leholimo; le joalo ka...ba khannetseng ba bangata ho lokeng ba tla khanya joalo ka linaleli kamehla...*

<sup>114</sup> Nkile ka sheba, ka nako e ’ngoe, ’me kea nahana, baena. Ke ee ke tsoe, hoseng. Ke rata ho tsoha hoseng haholo. Na ha le rate ho tsoha hoseng? [Phutheho e re, “Amen.”—Mong.]

<sup>115</sup> Ke hopola mohla ’na le baena re neng re le lithabeng. Ka matjeke, ka bo hora ea bone, re ne re tsoha. Ho sheba, ho lopalla morao mane, ’me naleli ea meso e ne e le eo. Ho fifala haholo pejana feela ho ela.

<sup>116</sup> Re bona lefifi le bokana joale. Ke eng? Ke leseli le hatellang lefifi. E ’ngoe e tlameha ho sutha tseleng.

<sup>117</sup> Tsohle tse khasang tse neng li matha bosiu bohle, ha letsatsi le chaba, lia ipata ha leseli le hlaha. Bosiu le lefifi... Bosiu le leseli li ke ke tsa aha tlung e le ’ngoe. Ho lefifi kapa ho leseli. ’Me leseli le matla haholo ho feta lefifi.

<sup>118</sup> Ho joalo le Kreste o matla haholo ho feta lira tsohle tsa lefats’e.

<sup>119</sup> Joale, rea rutoa ke boramahlale; hore leseli le patisa lefifi. ’Me lefifi le bokanya lekhotla la lona hammoho, ho fihlela, ho loants’aa leseli, empa leseli lea fenya le ntso hlaha.

<sup>120</sup> ’Me Bibele e boletse, matsatsing a qetelo, ho re, “Satane o tla tsamaea eka tau e purumang.” O bokanya hammoho, lira tsa hae tsohle, metsoalle ea hae eohle, lira tsa rona, le ho li phutha ’moho; ho etsa ngata e tlasa hlooho e kholo, lets’ao la sebata, lilikalikoeng tsa bokereke, setlamo sa likereke. Li ikopanya tsohle ho iketsetsa mokhatlo o moholo, o ts'oanang le Bokatolike.

<sup>121</sup> ’Me mebuso ea lefats’e e ikopanya ’moho, e ipopa ho etsa hlooho e kholo holimo koana, lilikalikoeng tsa sepolutiki, e bitsoang bokomonisi.

<sup>122</sup> ’Me Leseli la Molimo le a hatella. Ho etsahala’ng ka eona nako eo, ho etsa hoo? Kereke ea Bokreste, Kereke ea Molimo o phelang, ea tlotsoa. Matla a tla ho Eona. E amohela Moea o Halalelang.

<sup>123</sup> Ngoahola, mebusong ea Evangeli e tletseng, ho bile le milione likete tse makholo a mahlano tsa lits'okoloho. E kholohali e kileng ea haola naha, ka lilemo-lemo. Ha re sa lula lipachising. Re holima 'mila o moholo oa allelua. Ha re sa lula ka hara motlotloana, ho hang. Lits'okoloho tse milione likete tse makholo a mahlano liemong tsa Evangeli e tletseng, ngoahola, ha hlohoa Bokatolike le ntho eohle. Oh, banna!

<sup>124</sup> Ke eng? Leseli lea bokana. Lits'ebeletso tse kholo tsa lipholiso li phophothile polokoe ea lefats'e. Allelua! Koana, tlase Formosa, ho ts'oeroe mats'olo a pholiso. Koana tlase Japane, ho ts'oeroe mats'olo a pholiso. Holimo koana literekeng tse hoammeng tsa leboea, ho ts'oeroe mats'olo a pholiso. Lefats'e ho pota, mats'olo a pholiso! Allelua! Batho ba amohelang Moea o Halalelang, ba hohle. Re nakong ea bofelo.

<sup>125</sup> Hoo ho etsa'ng? Ebe moo liabolosi a reng, "Joale ke nako ea ka." O phutha makhotla a hae. Setlamo sa likereke se leka ho e khina, se re, "Ha se letho ke sekhakhatha sa mabokose a hlolieang. Ha ho letho ho bona. Ke bohlanya kaofela. Ha ho ntho e kang ts'ebetso e Mohlolo."

<sup>126</sup> 'Me ka eona nako e kang eo, hlooho ea Amerika...mokhatlo oa bongaka o ngola sekotoana sa pampiri, oa re, "Ha ho motho ea nang le tokelo ea ho kena phaposing ea bakuli, ho sebeletsa batho, a sa lumele, ho Molimo o Matlaohle le ho Mo amohela e le mothusi oa hae." *The Christian Herald*, e neng e botsisisa lingaka khoeli e fetileng, ea nts'a mangolo a nke keng ka a ngola, ka bonna, holane ke leka ho iphafa ka eona. Ke eng? Hara lintho tsohle, Molimo o tla etsa hore lira tsa Hae li pake Khanya ea Hae. E, monghali. Ngaka ea re, "Re khona ho thusa feela, empa Molimo ke mofolisi." Ka re, "Banna bao ba phahameng ba sa tsoa fumana seo rona sehlopha sa limau-mau esale re se tseba." Ho joalo.

<sup>127</sup> Ka le leng la matsatsi a tlotleheng ana, u tla fumana hore sehlopha sena sa Matla, se fetolang lihlola mafumahali, le matahoa banna ba hlomphehang le Bakreste, ke oona Matla a tlang ho ba nyolla lefats'eng lena le ho isa Hae ka Hloibilo, ho ea Khanyeng. E ka ba morao; e ka ba morao ho ba bangata.

<sup>128</sup> "Ka letsatsi leo, Mikaele o tla emela batho." Ha A emele lichaba. O emela batho. "Me ba bangata ba robetseng leroleng la lefats'e, ba bang ba tla tsohela lihlong le sekho bo se sa feleng. Empa ba hlalefileng 'me ba isa ba bangata ho lokeng, ba tla khanya joalo ka linaleli ka mehla le mehla." Allelua!

Motlotloane kapa mokhoro, ke tsotella'ng?

Ba nkahela paleise holimo Koana. (Tloo u tl'u  
mpona tsatsi le leng!)

<sup>129</sup> Ke eng? Ke tsoe le ho sheba naleli e kholo eo ea meso, ha e qalella ho tsamaea koana. Naleli ea meso e reng? Naleli ea

meso e mpa e halimisa leseli le phahameng la letsatsi le tlang. Na ho joalo? Naleli ea meso, lebaka leo e phatsimang hakaalo (le a tseba ke hobaneng?), letsatsi le haufi le eona haholo. E a hatella. 'Me naleli ea meso e thoholetsa ho tla ha letsatsi.

<sup>130</sup> Ke hantle, lona linaleli tsa meso, ke nako ea ho thoholetsa ho Tla ha Hae! Phatsimang, lona Linaleli tsa meso! Tsohang ka matjeke! E reng, "Mora o se a tla fihla kapele!"

<sup>131</sup> Ha re talima 'me re bona naleli eo ea meso, ha e benya sebakeng, e re letsatsi le se le tla chaba kapele.

<sup>132</sup> 'Me ha re bona Linaleli tsa Molimo tsa meso, li hlaha 'me li phatsima ka khanya ea tsoho ea Jesu Kreste, hoo ho supa hobane Ea phahameng eo o hatella ka matla. Maseli a bokellana, empa Naleli ea meso e hoeletsa e re, "Betang pelo! Letsatsi le se le ea chaba." Betang pelo! Letsatsi le se le ea chaba. Tieang matla. Joalo kaha Khaitseli Murphy a n'a bine, "Tieang matla; letsatsi le tla chaba kapele." Tieang ho fihlela ba...Linaleli tsa meso li chabela lefats'e joale, ho bonesa lefats'e, pejana feela lefifi le leholo le ts'oara, 'me lehalima le leholo le tsoa Leholimong, ho Tla ha Morena.

Mamelisang joale. Joale o itse . . .

<sup>133</sup> Ke 'nile ka sheba naleli ea meso, 'me ke nahane, "Oh, uena naleli ea meso!" Ke shebe tlase . . .

<sup>134</sup> Tsatsi le leng, ke ne ke eme holimo mono, 'na le Moena Woods. A sa tsoa besa mollo, 'me re ne re tla ja lijo tsa hoseng. 'Me ka reteleha le ho sheba naleli ea meso. Ka tsoela mono lihlahleng tsa kedare; le meeaa ntse e hoeshetsa hara liphaene. Ka ema mono. Ka ikutloa ke thabile, phefumoloho e monate eo, moea o mocha oa hoseng; 'me serame se batla se letse, serame se se ngata. Ka theohela lets'eng, ho kha nkho ea metsi, o hatsela le pele o ema.

<sup>135</sup> Ke eme holimo mono, ke phahamisistse matsoho a ka, ka ntle mono hara liphaene tseo. Ka sheba naleli eo ea meso. Ka nahana, "Oh, shebang mona, seo lilemo tse mashome a mane a metso e mehlano li nkentseng sona." Ka re, "Oh, shebang mona. Ke a sosobana. Matsoho a ka a sosobana; moriri oa motsuha; meno a kumeha. Oh, mashome a mane a metso e mehlano a nkentse'ng! Empa," ka re, "shebang mane, naleli eo ea meso e sa le ntle 'me e sa phatsima joalo ka mohla Molimo, 'whew,' ho e bulula matsohong a Hae, le ho re, 'E ke e phatsime!'"

<sup>136</sup> Eaba ke nahana ka Lengolo lena. Ka re, "Empa Molimo o ts'episitse, ha re ka ba bohlale 'me ra isa ba bangata ho lokeng, re tla phatsima ka mehla le ho feta linaleli."

<sup>137</sup> Ka nahana, "Naleli ea meso, u a phatsima hona joale, empa ak'u eme ho fihlela re fihla Mono!" Alleluia! "Ho phatsima ho feta linaleli ka mehla!"

<sup>138</sup> 'Me ka utloa moea oo o theoha ka leralla, ha letsatsi le se le ea chaba, o seba-seba hara liphaene tseo, o re:

Fats'e le teng mose ho noka,  
 Re reng le monate ka mehla,  
 'Me re fihla bopong leo ka motheo oa tumelo;  
 Ka bonngoe re tla fihla khorong eo,  
 Ho lula teng le ba sa shoeng,  
 Mohla ba leletsetsang 'na le uena tleloko tsa  
 gauta.

<sup>139</sup> Ke ntho e kakang! "Ba bohlale ba tla isa ba bangata ho lokeng, 'me ba tla phatsima le ho feta linaleli ka mehla le mehla."

<sup>140</sup> Ka hona ho etsa phapang efe, le hona? Borogoana bona ba khale mona ke ba ho etsa'ng? Thojana ena ea khale ea lefats'e, seboko se se nangf lesapo la mokokotlo, 'mejana oa khale o shoang o lokelang ho bola le ho fetoha lerole, 'me liboko tsa 'mele li tla o ja! Oho, banna! Ha nke ke tsohe ka tsohle tse ka ho 'na, le ho chaba bakeng sa khanya ea Molimo! Ho suthisa boima bo bong le bo bong, hore Moea o Halalelang o tle o kene ka matla a Hae le khanya, ka theroy ea Evangelie le pholiso ea bakuli, ho netefatsta Jesu Kreste ea tsohileng bafung. Oho, banna!

...ka mehla le ka maehla.

*Uena, ... Daniele, u koahele taba tseo, u tiise buka, ho isa nakong ea bofelo: hobaba bangata ba tla e bala, 'me tsebo e tla eketsoa.*

*Eaba 'na Daniele kea talima, 'me, bonang, ba bang ba babeli ba ne ba eme, e mong mose o koano ho noka, e mong mose oane...oa noka.*

*E mong a re ho motho ea apereng lene* (Moea o Halalelang), *ea emeng holima metsi* (batho le mats'oele)...

<sup>141</sup> Moea o Halalelang holim'a batho! Oh! Alleluia! Moea o Halalelang!

<sup>142</sup> Ts'enolo 15:16 e bua, e re, "Bongata le mats'oele. *Metsi* a bolela 'bongata le mats'oele a batho."

<sup>143</sup> "'Me E Mong ke enoa o apere line e ts'oeu, A itsokotsa a ea holimo-le-tlase, holim'a metsi, matsoho a Hae a phahamiselitsoe Leholimong, a hlapanya ka Ea phelang ka mehla le mehla, 'Mohla tsena li etsahalang, nako ha e sa tla ba teng!'" Alleluia!

<sup>144</sup> "Nako ha e sa tla ba teng!" Ho hlapanya ho re, ha re bona lichaba tsena li pshatleha, le lintho li etsahala ka tsela eo, "Sephiri sa Molimo se se se phethiloe."

<sup>145</sup> Ke eng, "Sephiri sa Molimo"? "Molimo ka ho lona, ts'epo ea Khanya," e phatsimang, kolobetso ea Moea o Halalelang!

<sup>146</sup> Eaba O re, “Mohla tsena li etsahalang, nako ha e sa tla ba teng.”

<sup>147</sup> “Bao ba tsebang Molimo oa bona,” Daniele o itsalo. “Matsatsing a qetelo, ba bangata ba tla matha, tsebo e tla eketseha. Empa bao ba tsebang Molimo oa bona ba tla hapa likhapo mehleng ea ho qetela.”

<sup>148</sup> “Ba tla hapa likhapo.” Oh, likhapo tsa tumelo lia bonahala, lefats’ne ho pota, bosiung bona, hape le hape. Linaheng tsohle, mats’olo a maholo! Lifofu lia bona. Litholo lia utloa. Liritsa lia tsamaea. Ho kena batho ba mehlahlo eohile ea bophelo. Ba amohela Moea o Halalelang; hase mafutsana feela le bafumanehi, empa boralimilione le ntho e ’ngoe le e ’ngoe e sele. Molimo o a nka ’me o apesa e mong le e mong ka kobo ea Hae, ’me o ba memela Selallo sa Lenyalo.

<sup>149</sup> ’Me Moprista e Moholo ea phahameng, Melkisedeke, o tla tla ka letsatsi le leng. ’Me re tla ja selallo, ka bocha, le Eena, ’Musong oa Molimo, ka le leng la matsatsi a maholo ana, a khanyang! Oh, ke thabile joang, bosiung bona, ho ba ’Musong! E, monghali. Ka tsatsi le leng le leholo, letsatsi le babatsehang, “Nako ha e sa tla ba teng!”

<sup>150</sup> Lea bona, re tsoa Bosafeleng. Re ne re le teng, le pele lefats’e le e ba teng. Na le ne le tseba hoo? Molimo oa etsa motho ka sets’oants’o sa Oona ka Sebele.

<sup>151</sup> “U no u le kae,” A rialo ho Jobo, mohla Jobo a hopolang hobane o bohlale. Ho re, “U no u le kae mohla Ke theang motheo oa lefats’e, pele ke o thea, mohla bara ba Molimo ba binang ’moho le linaleli tsa meso li binang ka thabo?”

<sup>152</sup> “Linaleli tsa meso li bina ka thabo.” Ba phatsimang bao ba bina ka thabo, ha li bona tsatsi le leng li fumana motlotloana lefats’eng mona. ’Me Morena Melkisedeke a tla tla ka ho loka ha Molimo, le ho neela bophelo ba Hae, ho re lopollela ho Molimo, hape hape, ’me joale ke linaleli tse phatsimang ka mehla le mehla.

<sup>153</sup> “U no u le kae mohla Ke theang motheo oa lefats’e? Bolela moo li hokeletsoeng teng. Mpolelle lieme holima eng.” Ho re, “Itlame letheka. Ke batla ho bua le uena joalo ka monna.” ’Me Jobo a oa ka sefahleho sa hae ea ka ke monna ea shoeleng. A sa khone ho e emela. Molimo o no o le teng. Ke moo he. “U no u le kae mohla Ke theang metheo ea lefats’e?”

<sup>154</sup> Evangelie e kholo ena e porofetiloe ke baporofeta ba Testamente ea Khale. E theohile le mengoaha. E teng mona bosiung bona. E netefatsoa ke Molimo. E haotse lefats’e. Ba lekile ho E fothola.

<sup>155</sup> Empa ak’u leke ho tima hlaha mohla tsatsi la sefefo, le e—le patsi e omeng morung? Khele, u ke ke ua khona. Ha u leka ho e loants’a, u e fehlela moea le ho feta; ha u e fehlela meeaa ho feta, e tla befa ho tuka. Ke eona feela ntho.

<sup>156</sup> Re ne re ee re bese mollonyana, ka ntle koana lithabeng, ke leka ho besa mollo hoseng ka matjeke. Ke tsoele mono ke lahlele lipatsi tse 'maloa holima oona; o kunkele. Kea tseba, ha feela mosinyana o le teng, mollo o teng kae-kae. Ntho feela eo ke ne ke tlameha ho e etsa e le ho nka katiba ea ka le ho o foka, 'me qetellong o tuke.

<sup>157</sup> Ke seo Kereke e se hlokang kajeno, ke ho foka ho hong ha Moea oa sefefo o kang o theohileng ka Letsatsi la Pentekosta, ho boela o E fokela Tumelong, ho amohela Morena Jesu Kreste ho tleng ha Hae ka Khanya.

<sup>158</sup> Shebang liponts'o, mehlolo, limaka tse etsahalang. "Lithothomelo tsa lefats'e ka nqa tsohle; maqhubu a khorohelang mabopo," joalo feela kaha Jesu a boletse ho tla etsahala, "pelo tsa batho lia tepella; ts'abo."

<sup>159</sup> Ts'abo, "Oh, ke mang ea tla akhela bomo ea pele ea khobalte? Ebe ho tla etsahala'ng? Lefats'e le tla be le timelitsoe ka lihora tse 'maloa." Khele, re tla be re le ka pela Sefahleho sa Molimo le pele e oa sefaneng. Ke hantle. Ho tla ba joang? E ke ke ea ba letho, empa re tla siea kobo ena ea khale ea nama.

Re tla hlobola, re tsohe ho hapa moputso o sa  
feleng,  
Le ho hoeletsa ha re haola sebakeng,  
"Sala hantle, sala hantle," hora e monate ea  
thapelo.

<sup>160</sup> Ho tla be ho felile, 'me re tla ea Hae. Re siee 'mele oona oa khale; re o fapanyetse ka moqhaka le seaparo, koana, o ke keng oa senyeha. Re fetohe ho tloha ho monnamoholo, le mosalimoholo, ho ba motho e mocha, ho phela ka mehla le mehla, ho phatsima ho feta; ho sa boleng, ho nyoloha-le-ho-theosa literata tsa Khanya, ka pela Sefahleho sa Morena Jesu Kreste. Ho bina, "Ho bokoe Molimo ea Holimolimo! O entse tse kholo hara rona."

<sup>161</sup> E re re sa le leetong kajeno, Matla a Molimo a ntse a netefatsa ntho eohle lehlakoreng ka leng, ha re qamakeng ho bona moo re leng teng. Ho sheba ha sefate sa feiga se hlahisa menoko. Ho sheba ha lifate tse ling li hlahisa menoko. Ho sheba ha lichaba li hlahisa menoko. Ho sheba ha Kereke ea Moea o Halalelang e hlahisa menoko. Ho sheba ha Pentekosta e boela e ipheta, ho khutla, ka liponts'o tse ts'oanang le meeka. Alleluia!

Na re ka rapela.

<sup>162</sup> Ntate ea Maholimong, re U leboha bosiusing bona, ka Matla a tsoho a Jesu Kreste, ka baka la Boleng ba Hae bo phahamileng, ka tlolo ea Hae ea Moea o Halalelang. Re U leboha kahobane A le teng mona joale, ho phela, ho phela kamehla, ho re buella maipolelong a rona. Re U leboha ka

Matla a Hae a folisang a re phamotseng joalo ka lirumula tsa mollo, Morena, ho re nts'a lebitleng, ho re tsosa hape le ho nchafatsa matla a rona, le ho re fa Matla, re tle re tsoe re phatshime mona lefifing lena. Re U leboha ka baka la hona.

<sup>163</sup> Ntate, re U rapela ho hlohonolofatsa e mong le e mong ea sa bolokehang. Hlohonolofatsa bohole ba bolokehileng. Fana ka sena, Ntate. Folisa bakuli; fumana tlota. Hlohonolofatsa tabernakele-nyana ena. Hlohonolofatsa batho. Hloholofatsa Moena Neville, molisa. Hlohonolofatsa batikone bohole, literasti. Aba hona, Morena. Beha matsoho a Hao a folisang holim'a bona. 'Me ha liabolosi a ka kena 'me a hlahisa liphapang tse nyenyane, li folise, Morena, ka potlako ruri, ka Setlolo sa Gileade. Aba hona, Morena. Ts'ollela oli e tlolang holim'a bona. Ba kokobetse pelong, ba be mosa moeeng. Ha ba ke ba tsamaee mehlaleng ea Morena Jesu. Lintho tsa 'mele lia ba hlahela 'me ba kule. Lengelo la Morena le ke le eme haufi, ho tlotsa Mali a Jesu. Aba hona. Folisa mahloko oohle.

<sup>164</sup> Nthuse, Morena, ke sa phunyeletsa koana masimong, ho bona lithoko tse kholo tseo. Ke thoko e kakang tsatsing lee! Limilione li shoele. Bahetene ba likete tse lekholo le nang le makholo a mane le mashome a mane a metso e mene ba shoele kajeno, ba sa tsebe Kreste. Nthuse, Molimo o Ratehang. Re hlohonolofatse bohole, 'moho.

<sup>165</sup> 'Me ka tsatsi le leng, re nyolle lefats'eng lena, ho ea koana, Morena, ho lula le Uena teroneng ea Hao, libakeng tsa Maholimo koana, ka ho Kreste Jesu. Fana ka sena, Ntate. Ho fihlela mohlang oo, bophelo bo botle le matla e be tsa rona, hoba re kopa hoo ka Lebitso la Jesu. Amen.

Oho, ke batla ho 'Mona, ke batla ho boha  
 'Fahleho sa Hae,  
 Teng ho bina kamehla ka mohau oa Hae o  
 pholosang;  
 Mabaleng a Khanya ke pha'mise 'ntsoe la ka;  
 Thato li felile, Hae qetellong, ho thaba  
 kamehla.

Ha ke phaila naheng ena, ke ntse ke bina  
 joalo,  
 Ho supisa meeaa Kalvari, mophuleng o  
 mofubelu,  
 Metsu e hlabilo moea oa ka ho tsoa ka ntle, ka  
 hare;  
 Empa Morena' ka oa ntsamaisa, ka Eena ke  
 tla hlola.

Oho, ke batla ho 'Mona, ho boha 'Fahleho sa  
 Hae,  
 Teng ho bina kamehla ka mohau oa Hae o  
 pholosang;

Mabaleng a Khanya ke pha'misi 'ntsoe la ka;  
 Thato li felile, Hae qetellong, ho thaba  
 kamehla.

<sup>166</sup> Joale mamelang, motsotso feela. Ho na le Mametholise a makae mona? Phahamisang matsoho a lona, Mametholise. Ho na le Mabaptise a makae mona? Phahamisang matsoho a lona. Ho na le Mapresbeteriene a makae mona? Phahamisa letsoho la hao. Ho na le Banazarene ba bakae? Phahamisang matsoho a lona. Ho na le Mapentekosta a makae? Phahamisang matsoho a lona. Ho na le Maluthere a makae? Phahamisang matsoho a lona. Che, re teng mona bohole. Shebang, seholphahali se seholo, se tsoakaneng, bohole ba lutse sebakeng se le seng, libakeng tsa Maholimo, ho nyakkalla Lehlohonolong.

<sup>167</sup> Joale ke batla Mamethodise ba tsukutle le Mabaptise ka matsoho, Mabaptise le Maluthere. Retolohang joale le tsukutlane ka matsoho. Le be le retolohole ka mona, joale, re sa e bina.

Ho supisa meeaa Kalvari, mophuleng o mofubelu,  
 Metsu e hlabilo moea oa ka ho tsoa ka ntle; ka hare,  
 Empa Morena' ka oa ntsamaisa, ka Eena ke tla hlola.

Oh, ke batla ho 'Mona, ho boha 'Fahleho sa Hae,  
 Teng ho bina kamehla mohau oa Hae o pholosang;  
 Mabaleng a Khanya ke pha'mise 'ntsoe la ka;  
 Thato tsohle li fetile, ke hae qetellong, ho thaba kamehla.

<sup>168</sup> Ha se le thabise na? [Phutheho e re, "Amen."—Mong.] Ha le ikutloe kahohle eka le... Ho na le Bakreste ba bakae mona? Phahamisa letsoho la hao. Mang le mang ea lumelang ho Morena Jesu Kreste, phahamisa letsoho la hao. Oho, banna! Ke ntho e babatsehang hakakang!

<sup>169</sup> Joale ha re arohana, re tsamaea, ho tsoa malapeng a rona a fapaneng, ha re eeng ka thapelo. Joale ha re bineng sefela sa rona se monate, sa khale se qhalanyang. Ke ba bakae ba se tsebang? Inkele Lebitso la Jesu. E mong le e mong 'moho joale. Ha re bineng.

Inkele 'Bitso la Jesu,  
 Ngoana masoabi le tllokotsi;  
 Le tla u thabisa le u ts'elise,  
 Le nke hohle, mo' eang teng.

'Bitso le ratehang, ('Bitso le ratehang) Oho le monate! (Oho le monate!)

Ts'epo ea lefats'e le thabo ea Lehholimo;  
 E, Bitsو le ratehang, Oho le monate!  
 Ts'epo ea lefats'e le thabo ea Lehholimo.

Mamelang.

'Bitsong la Jesu ba inama,  
 Ba namalla maotong a Hae,  
 Re tla mo tlotla e le Morena' marena  
 Lehholimong,  
 Oh, ha 'eto la rona le felile.  
 'Bitsо le ratehang, oho le monate! (Oho le  
 monate!)  
 Ts'epo ea lefats'e le thabo ea Lehholimo;  
 'Bitsо le ratehang, Oho le monate!  
 Ts'epo ea lefats'e le thabo ea Lehholimo.

<sup>170</sup> Hoo ke batlang ha le ka ho etsa ke hona.

Inkeleng 'Bitsо la Jesu,  
 E le thebe sereng ka seng;  
 Ha meleko e u likanyetsa,  
 Budula 'Bitsо le ha'lelang leo thapelong.  
 'Bitsо le ratehang, ('Bitsо le ratehang) Oho le  
 monate!  
 Ts'epo ea lefats'e le thabo ea Lehholimo;  
 'Bitsо le ratehang, ('Bitsо le ratehang) Oho le  
 monate!  
 Ts'epo ea lefats'e le thabo ea Lehholimo.



*QALO LE PHELETSO EA LEKHATHE LA BALICHABA SST55-0109E*  
 (Beginning And Ending Of The Gentile Dispensation)

Molaetsa wona o tlileng ka Moena William Marrion Branham, o rerilweng tshimolohong ka Senyesemane ka Moqebelo mantsiboya, Pherekong, 9, 1955 mane Tabernakeleng ya Branham mane Jeffersonville, Indiana, U.S.A., o ntshitswe mabanteng a kgatiso a makenete mme o ngotswe o sa kgutsufatswa ka Senyesemane. Phetolelo ena ya Sesotho sa Borwa e phatlaladitswe ka 2006 ke ba ha:

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)